

丹陽縣志補遺卷之十

儒林

清

貢渭濱字羨溪邑庠生性沈靜耽悅經學尤精於易親  
歿後獨居脉望樓屏棄人事一意著述成易見九卷  
於漢魏以來諸家易說刪存精要而折衷於紫陽長  
洲沈文愨公德潛序以行之四庫存目

文苑

唐

儲光羲延陵人開元中登進士第召入中書試文章天

丹陽縣志補遺

卷之十 儒林 文苑

一

寶中爲監察御史工於詩翛然清遠與王維齊名有

集七十卷 乾隆志

明

孫楨字志周太學生幼聰穎異常兒及長嗜學自經史  
藝文至象緯堪輿之術靡不洞悉條理旁及彝鼎書  
畫寓目卽辨眞贋然非其好也與湛若水唐順之交  
究心性命之學所著詩稿二卷淳化閣帖釋文十七  
帖釋文及痘症論三卷又遺稿若干卷陳繼儒序而  
傳之稱其宏覽博物比之楊新都王太倉云 同上  
賀創基字無因萬厯乙卯天啟辛酉兩舉副貢穎異早

成年十一入復社文藝聰博爲江左才子之一年三

十一卒時賢悼惜之

曲阿詩  
綜小傳

賀復徵字仲來景來大參少子天啟時恩貢善讀書無

貴介氣積書萬卷因自號卷人當時薦於朝徵修熹

宗實錄事畢卽歸隱遍游山水惟以著作自娛所輯

文章辨體彙選四庫存目

同上

賀王醇字魯縫邑廩生入復社中與從父黃公從弟儒

珍稱鶴溪三鳳著詩文若干卷撰集若干卷續名臣

言行錄續憲章錄藏於家

乾隆  
志

清

丹陽縣志補遺

卷之十 文苑

一一

姜志珏字公符崇禎癸酉副榜順治丁酉貢於廷或勸

謁當事可授舍人珏曰以竇得官如義命何識者高

之康熙辛亥授沐陽訓導以疾卒著有適我園詩集

正史約參三十六卷杜詩纂註十二卷

同上

周揚洪字丹申順治甲午拔貢耽詩自娛與陳其年彭

羨門朱竹垞姜西溟友善弟玉觚字鍾璜康熙乙丑

歲貢官碭山訓導亦耽詩如其兄相互賡和又好藏

書校讀無虛晷康熙丙寅醴泉見於泮水邑人盛爲

詩歌玉觚所作爲冠與兄丹申時稱二周

荆澤永字芷衣康熙庚子舉人性樂山水所至發爲詩

歌嗜酒工書醉墨尤天放乾隆庚午纂修縣志著有  
鴻泥草堂詩集行世

姜藻字元章乾隆癸酉舉人善屬文王已山儲畫山賞  
譽之尤工詩彭芝亭莊書石于午晴輩稱其穎發葩  
流和雅典則蔚爲一代作手著有韻石齋初稿

楊城字厚立邑庠生安樓先生後人也博覽淹通不趨  
榮進嘗以丹陽文獻自任上下數百年搜輯精博爲  
前此所未有撰有縣志糾繆編拾遺編新志稿均佚  
周櫟字澹漪郡庠生家世文學有名山水載籍外無所  
好對客不作俗語客去則誦聲琅琅達戶外詩格在

丹陽縣志補遺

卷之十 文苑

三

儲太祝孟山人之間丹徒張冶虞推重尤至著有雅  
存堂詩鈔有竹居詞稿

附考證

晉薛瑩晉書薛瑩字令長丹陽人按晉之丹陽非今之丹陽宋顧松年字公茂與

葵天國劉圖南皆一代名士按嘉定鎮江志松年字伯茂非公茂蔡放字天固非天國圖南名昭朱公翼字仲殊號後湖居士按嘉定至順郡志皆曰李

公異字仲殊號後湖居士清睦朝棟字堯章乾隆壬

戊進士授庶吉士考睦氏家譜朝棟字曉章周玉瓚

有雅存堂稿考丹陽周氏家集玉瓚所著曰周憇亭集非雅存堂稿

丹陽縣志補遺卷之十終